



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

§. LI. Vocatur à Deo ad sublime Orationis genus.

[urn:nbn:de:hbz:466:1-47773](#)

*Vocatur à DEO ad sublime Orationis genus.*

**F**uit porro ipsius orandi ratio principio non alia, quā illa, quam vocamus, Meditatio ordinaria, quæ & Intellectus ratiocinio, & voluntatis affectibus vehementibus occupatur circa varia Religionis nostræ Mysteria, & varia divinarum Literarum effata; unde magnam partem hausit egregia illa lumina, quæ subinde expressit in quatuor illis non magnis libris, quos Manna Animæ indigitavit. Post aliquot annorum intercedinem videtur mutasse aliquantum, quam diximus, Methodum, totumque se vertisse ad rogandum DEUM, variisque ab eo gratias ac dona poscenda, ita scilicet, quomodo Magister divinus in Dominica Oratione nos docuit; id quod ipse Pater alteri cuiquam è Nostris aperuit, cum diceret, se tandem aperuisse oculos ad pernoscendam veram orandi rationem. Id ipsum docent nos etiam cuiusdam epistolæ ejus verba, quæ audire non parvo nobis solatio esse poterit. Præsens, scribit, mea spes tota nititur certa illâ & infallibili impetrandi efficaciâ ac vi, quam habet Oratio, quando à DEO petit id, quod certò nobis expedit. Qualia, quæso, verba illa sunt, quæ Christus locutus est: *Petite, & aceipietis?* an clariùs, certiùs, generaliùs, & minore cum exceptione obligare se ille nobis potuisset? totum in eo situm est, ut constanter petamus. Sed quis tandem hic labor est, quem tanti boni amore suscipi non oporteat? Nobis aliud incumbit nihil, quām ut petamus à DEO per merita Filij sui, ut nos efficiat veros suos Servos, veros suos amicos: & subinde omnia ejus permittamus arbitrio; nec enim illi deerit ratio è tam multis aliqua, quā

quā id certò efficiatur. Ad me quod spectat, constitui mecum, opitulante ejus gratia tam assidue clamare, & tamdiu pulsare, donec illi siam importunus. Neque me ulla ratione absterret, quod me videam tam miserabilem, tam villem, tam omni merito destitutum; ego siquidem aliud non specto, quām ut stipem flagitem à DEO, qui in egenos est beneficentissimus. Et quis nescit, in mendicabulo nullius generis meritum requiri ad obtainendum, sicut tamen requiritur in Servis, & aliis, qui quocunque titulo aliquid exposcunt. Ipsa, quā premitur, sua miseria & calamitas magnum in mendico meritum est, & quanto ejus miseria major est, tanto etiam æquius est ut ipsi subveniatur. Utut est: Christus quod promisit, revocare non potest. Promisit ille, quisquis ejus in nomine constanter esset petiturus, exaudendum. Si in hoc nobis constamus, peracta res est. *Benedictus Deus, qui non amovit orationem suam, & misericordiam suam à me;* aiebat David, in quem locum S. Augustinus: *Cum videris à te non amotam deprecationem tuam, securus esto, quia non est à te amota misericordia ejus.* Nihil igitur est, quo nos purgemos: Petamus, instemus importunè, molestiam, si ita tas est loqui, facessamus DEO: sed non est periculum, ne molesti simus: neque enim unquam magis illi cari acceptique erimus: meleatus illi non est, qui petit; sed qui petere non vult, ut Achaz, qui dicebat; *non petam.*



## §. LII.